

西域遺聞



RWT 453/03

邊疆叢書刊印緣起

求民族之自立而不先固其邊防非上策也吾國幅員遼濶人口蕃庶邊地與中土之語言習俗往往絕殊徒以道里山川之寫遠梗塞而隔閼遂益增甚自道光壬寅以來內患叢起早已籌邊不遑外人乃乘茲瑕隙肆厥陰謀國土斷喪實堪痛心自昔已然於今爲烈若長此含垢忍辱不思振拔則兇箠一發恐將無以自存自存之道維何曰在使居中土者洞悉邊情以謀實地考查溝通其文化融洽其輿情庶隱患漸除邊圉以固矣欲究邊情必考典籍淺識者或因先儒著述之不易蒐訪遽謂講求邊事舍外人之書幾無可讀不知彼亦取材吾國卽或出自近今之實地採撮亦大都各有作用倘吾人取爲藍本卽不免蒙蔽之虞吾國在昔殫心邊事者曾不乏人若大吏之獲譴遠戍者又類爲明達之士其于因革興復之間僉能審厥利弊故筆之于書皆成鑿鑿史實顧以輜軒之採不力致使鴻編鉅製委棄于山崖屋壁而寢失其傳後此遂無從以窺其奧茲可慨已夫居今日而言邊事實地考查固其首要而攷究歷史以明嬗變亦稿屬當務之急此邊疆叢書之所以必有也用是亟求先儒遺著彙而刊之俾講邊政者資借鏡焉

凡例

一本編擬以未經付梓之稿刊爲甲集已刊而傳本絕少者爲乙集已入他種叢書者爲丙集

一本編所收以前人所著關於邊事者爲合如專著志略筆記等類俱可不斷朝代不限方域但其人存者其書不錄

一本編付刊以收得先後爲次每十種爲一集

一本編倉卒校刊譌奪難免大雅宏達幸加指正

西域遺聞序

歸安陳君衡北以名進士初任特調蜀之保縣考一統志保邑爲西川緊望松潘金川咽喉要道土司苗蠻雜處必英明強幹始能附衆威敵撫綏得宜陳君至則宣播朝廷德意安撫苗夷馴如赤子曾單騎入重地息兵和衆民賴以安旋擢茂州牧時金川蠢動軍事旁午全蜀騷然川陝總督班公督師闔外知君有幹濟才由茂州牧題補打箭爐同知留軍營任事陳君膺飛輓重任出入於羊腸鳥道叢林密箐中間關千餘里以達軍前不爽時刻士飽馬騰王師奏凱最爲西川第一嗣後出守嘉定分巡川東榷稅夔關所至皆以能稱益信聖天子之知人善任也余承乏西川與君周旋最久會銜命入都道出夔關酒闌燭施追述舊游因出手輯西蜀遺聞二冊曰此余轉饟時所身歷之途目擊之事于風饕雪虐中呵凍手錄者惟君其教之予反覆玩味見其詳事蹟分疆域溯釋氏之源流定政教之約束以及風俗物產詳悉具備至于各土司之承襲強弱番屬與國之和同仇隙聚米畫沙瞭如指掌余因慨然曰君之輯是書也通曉夷情熟諳道里俾後之官斯土者得之可以控馭撫緝邊方享磐石之安民人免供億之役且使諸土番無不震攝天威來王來享其有裨于政治豈淺鮮

哉古人曰思報國恩惟有文章是編洵不愧矣君爲吳興望族其先世大廷尉謚簡肅公冰清玉潔爲前朝名臣君由選拔起家以五經領己酉鄉薦與予爲同年友予知是書皆得之親歷可備國史採擇傳西域者得所考證是亦懷遠招攜之助也因援筆而爲之序賜進士出身四川分巡松茂道年眷弟張之浚拜撰

西域遺聞

歸安 陳克繩 衡北氏 纂輯

西藏

西藏先屬吐蕃唐太宗下嫁公主于蘇隆策于布卽在今藏地德宗時刻盟誓之詞於石列唐將相名離藏方數千里皆有舊碑文字漢夷相雜大概謂與唐和親戒侵擾內地

按唐時和親有

金城文成兩公主文成下嫁吐蕃別爲築城以居未知卽是藏地否

公主旣下嫁絕域乃大修佛宇作大小詔二寺

按詔譯音如來也

小詔門皆東向望鄉也大詔門皆

西向皈佛也其宮室亦居佛于中而自處於側迄今成爲風俗

藏中婦女皆以紅糖塗面云公主教令然考唐史以公主嫁吐蕃彼中婦女皆頰其面主惡之爲革其俗則頰面乃其舊俗也

番人甚敬公主其隨行婢僕迄今尙遺部類呼曰唐人不復藏主徭役歲十月十五日公主誕辰僧衆齊集拜祭詔內諸神佛前燃燈以酥惟公主廟燈以油謂生前不嗜酥也

前藏曰衛後藏曰藏察木多曰康番言喀木皆吐蕃地也唐末吐蕃衰其部落散處河湟間

爲苦苦腦兒夷部崇信佛教于三處設大喇嘛管理番衆在衛者曰達賴在藏者曰班禪在康者曰叭吧歷代皆有封號我朝天威愈振黃教日盛各喇嘛皆加封

岳威信公語

苦苦腦兒台吉即西海諸王部落也以藏地歸達賴喇嘛爲主下設磔巴汗六員

紹按汗字疑衍文

司夷務後有蒙古古石汗自青海起兵逐藏巴汗據其地

紹按古石汗即古若汗一作固什汗書作顯實一作固什汗

至其子

達彥汗孫達賴汗皆主藏事後復爲磔巴三節所據古若汗曾孫拉藏復請於苦苦腦兒台

吉赴藏理事以計殺磔巴汗自爲汗己恐爲苦苦腦兒部落不順遣使求援于準酋以己子

順義台吉乞婚準酋澤旺阿喇布坦遂萌踞藏之心陽允之乃言藏人首重喇嘛若以五百

駐布達拉寺化導衆僧餘可盡服也拉藏如命復乘間請於朝求內附康熙初年畀以汗印

藏衆信達賴拉藏廢五輩達賴而別以準酋所納五百喇嘛中擇一人充之面目黧黑眇一

目藏人不服稱爲假佛時第六輩達賴名虎必爾汗者

紹按虎必爾汗即呼必勒汗轉生之謂非人名應改名字爲之字者字刪

降生裏塘遠近翕然宗之拉藏怒謂藏中已有真佛此係假者遣其次子發兵三千至裏塘

將擒虎必爾汗以去腦兒部落聞謀先奪之度不能爭亦求援于準酋準酋遣兵同腦兒部

遽赴裏塘時裏塘僧衆已挾虎必爾汗避于德格土司寨矣準酋迎虎必爾汗之兵與拉藏

擒虎必爾汗之兵戰于裏塘之西大敗之腦兒部落遂自德格擁虎必爾汗安于西寧塔兒

寺準酋至藏中途酷暑乏水草兵不能行乃乘腦兒之隙詭遣人報拉藏汗願踐婚姻約送女至藏而令拉藏之子以芻糧親迎拉藏諾準酋兵行半道人馬乏食幾凍斃適拉藏之子率兵馬芻粟以來乃殺之而飽食乘馬以行聲言攻藏拉藏聞曰布達拉天險且兵糧廣聚可爲三年守以求救于朝無懼也而準酋先所納五百喇嘛已應于內焚寺開城以納準兵遂殺拉藏佔藏地自明正土司以西皆附焉而征車零敦多布之大兵起

車零敦多布準酋甥也準酋命以兵聚藏殺拉藏汗藏亂聖祖仁皇帝惻念番民荼毒遣將軍色楞額西安將軍額倫特四川提督康泰率滿漢四千分道進征至通天河三敗賊衆車零敦多布遣賊閒道絕我糧餉軍中乏食回至哈拉烏蘇卒遇賊兵官軍敗提督康泰至拉里西亦爲賊衆黑喇嘛所害賊勢復振乃遣將軍駐防巴里坤地方以分賊勢特命皇子十四王爲撫遠大將軍以宗室延信固原提督馬繼伯登州鎮李麟等率陝甘滿漢官兵護達賴喇嘛自西寧出口征西將軍噶爾弼四川永寧協岳鍾琪按今封威信公率川滇楚浙滿漢官兵由打箭爐出口分道進征大將軍王親駐木魯烏蘇調度岳威信先於康熙五十八年隨都統法臘出爐平裏塘巴塘至是由裏巴昌都鼓行前進擒巨賊藍占巴駝駝宰桑黑喇嘛按紹

藍占巴喇嘛初進之學位係如前清之秀才非人名駝駝宰桑係官名

秋九月入僞藏藏王達格咱等伏誅車零敦多布遠遁

達賴遂坐床于布達拉並封有功之頭目康吉肅阿爾布隆布奈扎爾奈頗羅奈五人爵管理藏務勒碑于布達拉之南將領陞賞有差大兵凱旋

康吉肅後藏人爲拉藏汗卓義以守阿里功封貝勒轄後藏西北及拉藏汗台吉阿旺雲登都納爾等並韃兵二千人阿爾布工布人爲拉藏汗噶隆以守工布功封貝子轄工布以東兵馬隆布奈本藏人爲拉藏汗噶隆扎爾奈本藏人爲達賴倉諸巴以同至木魯烏蘇嚮導官兵功封隆布奈爲公轄藏東北兵馬封扎爾奈爲一等台吉充噶隆理達賴事封一等扎薩克台吉

大兵進藏岳威信時以永寧協率兵爲前鋒至裏塘隔大江無舟梁未渡賊兵皆駐彼岸乃令軍中善泅者一人前飲之酒裸入水出沒江心作魚游達于彼岸立須臾復回賊兵遙望皆驚謂天兵不懼火水爭詣軍門降大具舟楫渡兵前進大兵定爐都統欲俟大將軍令緩期進征岳公謂機不可失乃先引兵徑過中渡出不意至裏塘以禍福曉賊營官令降未聽語以市茶通貢之便翌日取山中樹葉如茶者數包來曰西土自有茶無藉于內也賊有黑喇嘛者伏兵喇嘛寺後將襲我岳公察營官意游移乃大陳奇異錦幣于帳前示以犒賚營官顧視色動潛約投順期官兵夜至黑喇嘛道進巴塘有包喇嘛者掌寺事會營官結翁布

以戶口冊降官兵遂進至昌都

黑喇嘛住牧拉里車零之變助逆僞稱河州喇嘛爲賊嚮導陰遣番人邀截軍糧官兵至拉計擒伏誅

車零敦布多分遣宰生

紹按宰生夷官名宰生即宰桑

駐藏中要隘大兵過巴塘遣步卒高雄往察木多偵

探雄善夷語乃作番人乞丐者至察木多達于營官所乘閒語之營官驚乃謀擒獻宰生時

宰生衆數十人居黑帳房雄令營官大饗之既醉分送番女于帳中度已酣臥率兵往殲數

十人擒宰生送于營大兵次第前進雄以功加副將銜川兵至拉里時將軍噶以先奉王大

將軍約

紹按將軍噶爾丹西將軍噶爾丹

俟西寧兵到工布會同進藏欲駐兵以待威信曰兵貴神速遷移

時日彼中有備事難濟矣乃長驅而進賊兵倉皇無措遂敗雍正元年羅卜藏丹津敗于西

海撫遠大將軍年羹堯慮乘閒至藏分遣松潘鎮周瑛率蜀兵二千于夏五月由打箭爐出

口招撫霍耳甘孜各部番夷以達于藏雲南提督郝玉麟率雲貴官兵一千駐察木多爲援

次年秋八月探報賊逃入境周鎮以精騎由楊八景

紹按楊八景一作羊八井

追捕至噶爾藏無獲而回

雍正八年準酋侵擾巴爾康爾之卡崙

紹按卡崙即卡倫

命駐藏學士僧領漢兵一千五百

僧格始命駐藏

唐古忒土兵一千出防騰格其打木地復于魚樹白兔河奔卡立嗎兒納客

產生根物角四處分撥官兵防探至秋月雪盛而回雍正九年陞蒙古學士僧都統仍統兵出防既聞準酋兵退乃回

藏人重工布族而輕後藏康吉肅以後藏人主藏事又以微賤驟貴隆布奈阿爾布扎爾奈羣嫉之乃與佛公佛兄謀于雍正五年襲殺康吉肅事聞命內閣學士僧格副都統馬臘洮

岷協顏親如先往安撫

紹按顏親如一作顏清如

次年夏四月命都察院查郎阿爲將軍

紹按都察院史應有左都御史

四護軍統領邁祿西寧鎮周開捷副之率領滿漢官兵八千四百由西寧鑾儀衛散秩大臣

周瑛率化林協副將楊大力等

紹按大力一作大力

官兵四千由霍耳甘孜雲南鶴麗鎮南天祥率副

將姚起龍等官兵四千由昌都分路進剿軍容甚盛先是貝子頗羅奈與康吉肅同以卓義

事拉藏汗又俱後藏人相契合乃先率其屬後藏番達兵二千至藏擒阿爾布等大軍至獻

俘訊叛逆狀伏誅敘功加封頗羅奈貝子總管藏事九年封貝勒乾隆五年又加封郡王給

王印弟諾引碩和齊於雍正十二年封台吉長子朱爾瑪徹敦

紹按朱爾瑪徹敦即朱爾瑪特策布登

於雍正

八年封台吉九年封輔國公次子朱爾墨特那木扎爾於雍正十二年封台吉頗羅奈既復

康吉肅之仇受封遂以女妻康吉肅子那木札爾色不賸雍正八年封台吉病瘵沒復以康

吉肅姪班第達填房

紹按班第達字成治長葛亮字不

亦邀封公爵即所稱小公也

頗羅奈長子朱爾瑪徹敦練習世故頗羅奈愛其少子朱爾墨特那木扎爾請令襲替而令

其長子守防阿里噶爾安地稱阿里公朱爾墨特那木扎爾既襲封狂悖無狀先命副都統

紀山駐藏那木扎爾即請撤駐藏官兵五百名允之乾隆十四年冬誣其兄徹敦登集布將叛

率兵襲之徹敦自刎共劫其珍寶婦女掘其室爲汗池形勢倉皇乃命都統傳清前往安撫

十五年春復命左都御史拉敦布往代紀山回京那木扎爾狂悖日甚漸謀不軌傳清拉敦布請

相機剪除上以大臣孤懸夷地宜慎重命青海都統班第往藏會商已而十月閒那木扎爾

潛調兵圖大舉時二月出巡九月方回即以伊子娶婦離藏而居傳清拉敦布乃托以有旨令

回開讀那木扎爾於十月十二日到藏十三日黎明赴公所入門見官兵尙臥不爲備率侍

從數人上樓見大臣手遞哈達都統傳清令跪聽旨即取衣內刃刺之未中扎爾驚逸拉敦布

拔刀傷其左臂未誅死侍者舉木橙急擊之碎其首斃乃宣言扎爾謀叛伏誅令小公主藏

事扎爾之卓義曰羅布藏大使紹按大吏福康安重修出奔聚番兵數千圍攻大臣所居之

通司崗官兵倉卒未備傳清拉敦布及主事策塔爾參將黃元龍俱死之主事齊成自刎糧務

通判受傷俱未死時小公班第達聞變避難于達賴所達賴師徒亦惶懼閉門顧扎爾素失

民心羅布藏大使雖以威劫番衆未心服有千餘人投布達拉乞班第達爲主班第達率以

攻逆黨羅布藏大使奔逸兵潰達賴遂令班第達主藏事於灰燼中檢傅拉二公及諸人遺

骨盛歛如禮官兵安堵達賴以事聞威信公岳琪璘先領兵三百名赴爐爲聲援而與果毅公

策楞請出兵往藏定難上命提督二臣領兵八千前進提臣先行督臣次之建昌鎮董芳爲

後援陝督尹繼善赴川籌畫糧餉既聞班第達已擒首惡乃命督臣率兵五百名偕侍郎兆

惡與先命駐藏之都統班第侍郎那木扎籌辦善後提臣回爐駐劄而都統班第自西寧先

期到藏誅戮首惡策楞兆惡那木扎會同議定善後十四條皆仍舊制設噶隆四人受成于

達賴而不復立郡王惡其專也傅拉以死事贈三等伯賜葬立祠歲祀蔭子餘死事者皆得

卹典是役也班第達以康吉鼎之裔頗羅奈之壻素得民心因達賴上請將襲王爵而上以

其不能趨救大臣降旨責之但令以公管噶隆事聖明神武威行萬里矣

朱爾墨特有所信呼圖兔居藏後古寺知未來事墨特以欽差召將進藏過寺問以吉凶不

應固問答以且過十月再言蓋知墨特將死也墨特復問以前生笑曰青狼也墨特怒遣人

殺之以頸引刃曰命盡矣

朱爾墨特貪淫刻酷出自性成聽邪僧言剝人皮衣之以拜星斗謂不畏刀兵也而卒死于

兵頭目規諫卽割其唇女子美者劫之無寵卽幽錮自春出游逾三時不返供帳甚盛重幃

疊幙皆西洋奇異氍毹

前郡王康吉肅死于陳略

紹按達賴作陳累

即達賴之兄也頗羅奈興兵報仇以功封郡王頗羅

奈恭順禮事達賴無少隙至墨特襲職藉稱世仇與達賴修隙卒有後日之禍

西藏向無特駐大臣自雍正五年康吉肅之變吏部尙書查郎阿率西寧鎮周開捷以兵五

千護送達賴至裏塘留重慶鎮任國榮以兵一千駐裏防守並令學士僧格副都統馬臘散

秩大臣周瑛副將馬紀師率秦蜀兵二千鎮撫藏地雲南提督張耀祖副將姚起龍率滇兵

一千駐察木多爲援是歲周瑛被議回京遣西寧鎮包進忠赴藏代雍正九年包鎮病歿陞

學士僧格爲蒙古都統統兵六月命護軍統領清保

紹按一作清保

大理寺卿苗壽加總兵銜率秦

寧協楊大立等官兵一千五百赴代其駐察之滇兵亦俱代十年春陞清保爲蒙古都統統

兵出防是歲命副都統李柱西寧鎮周起鳳率督協張可才等官兵一千赴代李柱以病歿

于甲工又命副都統馬紀師赴藏雍正十一年世廟軫念兵艱命于扎溪地方建城留兵五

百名沿塘設臺站官兵一千名其餘大臣官兵悉撤十二年又命都統清保正卿苗壽大臣

阿爾琿副都統那蘇赴藏清苗隨以事被議阿爾琿以疾故五月議撤駐察滇兵一千名即

于川省塘兵五千內派四百名以都司率領駐察嗣後駐藏大臣及官兵俱三年一易紀諱

山索諱柱傳諱清拉諱布敦皆以都統前往鎮撫乾隆十年議撤各塘兵一千名祇留駐藏兵五百旋以瞻對縱賊劫掠乾隆十一年進剿事竣仍復設臺站乾隆十四年夏命原任川撫紀山以都統銜赴藏代拉布敦時郡王頗羅奈歿次子朱爾墨特那木扎爾襲爵紀允其請奏撤藏兵僅留五十名既墨特誣其兄徹敦搆兵仍命傳拉先後往代紀乾隆十五年紀回京冬十月朱爾墨特謀叛傳拉大人死事命工部侍郎那諱木扎爾及青海都統班諱第往代復設駐兵五百以副參將統之乾隆十七年三月命副都統多爾濟代班第五月侍郎那爾以病命副都統舒春往代十八年三月命侍郎兆惠赴藏防範準夷十月回

右事蹟

雍正四年十月雲南提督郝玉麟四川提督周瑛俱自西藏至巴塘會勘川滇疆界次年三月副都統鄂齊內閣學士班第提督周瑛復往察木巴塘一帶定議給達賴地以巴塘邦木卡之寧靜山頂立界內屬巴塘外隸西藏

自爐至藏計程五千四百三十五里設臺站官兵一千餘員名分六十一塘駐游擊一員於察木多爲統領分設守備千把於乍丫及各隘口日中渡日裏塘日巴塘日乍丫日察木多日碩板多日拉裏日江達設糧務文員五日裏塘日巴塘日察木多日拉裏日西藏

一應徭役由明正裏巴三土司按界接應過巴塘至藍墩則西藏磔巴接應察木多年丫各有專管之呼圖免令其倉諸巴接應察木多自洛隆宗以西俱屬西藏接應

向於乍丫設糧務乾隆十三年復設臺站改設於拉里移駐守備于乍丫

糧務向委佐雜乾隆十五年督院果毅公策_初定議選委丞倅以昭慎重

西藏疆圉東至巴塘南至工布交貉猶酋部界西至甲噶交納達酋部界北至白兔旱海交西寧界東南交雲南界東北至生根物角交準噶爾界計東至巴塘五十日南至工布貉猶三十五日西至甲噶九十日北至生根物角四十日

東方之山曰祿馬嶺山綿亘百里過山至工布江達北通準酋設隘爲藏內咽喉要地曰濯拉山漢名瓦子山以頑石重疊如瓦也亘五十里曰拉里山亘五十里下山至拉里接魚樹番界乃青海要路曰魯工拉山綿亘百里下山至說板多及洛隆宗皆北通青海曰瓦合一

柱拉山四峯攢接綿長一百六十里愁雲瘴霧鳥獸藏跡康熙五十九年滇兵三百名至此夜陷於雪曰裏角大山_{紹按裏角西藏圖考卷五裏角塘兵六名一作裏腳又按裏角大山積}

_{西藏三界之中最爲重地隔山環地左右有大木橋東走四川南達雲南西藏北通青海乃扼要之區}綿亘六十里下山至察木都計二日乃川滇藏三交界所爲最重地曰昂地山陡險百里曰大朔山崎嶇一百二十里東距巴塘曰

立登三塤山長五十里曰納凹奔松山崎嶇六十里東距裏塘曰撥浪公山綿長九十里東距中渡曰高日寺山曰折多山平衍各五六十里東距打箭鑪以上諸山皆四時積雪烟瘴甚重

東方之川曰機處河卽藏江也設皮木各船以濟曰工布江達河有橋曰拉里河在拉里東有橋夏秋水漲湍急難渡曰假夷三巴河在洛隆宗東有橋曰拉工河曰古拉立三塤河俱在察木多西有橋曰拉克楮河漢名曰昌都河二水環抱匯流東曰昌西曰都各設木橋入滇爲瀾滄江曰金沙江于竹巴籠過渡入寧遠府邊滇之南會於金沙江

南方之山曰鍋噶拉山綿衍百里曰宋噶拉山崎嶇八十里曰扎拉山綿衍五十里

南方之川曰春結河卽藏江南流處也會後藏河由赤書羅卡七古洛出羅地入於南海曰怒江洶湧不可以渡

西方之山曰阿里山綿亘八百餘里積雪嚴寒人不可行曰甘不拉山卽西崑崙山綿亘九十里曰鍋噶拉山綿衍七十里曰墨雨拉山綿亘百里

西方之川曰業黨楮河有鐵索以渡曰藏布河曰洋木六海卽旱海也自扎什倫布至阿里入夏皆積水沒草